

**Iluarsiissut**  
**Isumaliutissiissut 21. oktober 2022-meersoq taarserlugu**  
**(atsiorneq ilanngunneqarpoq)**

**Uunga siunnersuut: Radiukkut tv-kkullu aallakaatitsisarneq pillugu Inatsisartut**  
**Inatsisaata**  
**allanngortinneqarnera pillugu Inatsisartut Inatsisaat.**  
*Ilinniartitaanermut, Kultureqarnermut, Timersornermut Ilageeqarnermullu*  
*Naalakkersuisumit saqqummiunneqartoq*

**pillugu**  
**Kultureqarnermut, Ilinniartitaanermut, Iisimatusarnermut Ilageeqarnermullu**  
**Ataatsimiititaliap**

**siunnersuutit aappassaaneerpeqarnerannut**

**ISUMALIUTISSIISSUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Doris J. Jensen, Siumut, siulittaasoq  
Inatsisartunut ilaasortaq Nivi Olsen, Demokraatit, siulittaasup tullia  
Inatsisartunut ilaasortaq Mala Høy Kúko, Siumut  
Inatsisartunut ilaasortaq Mariia Simonsen, Inuit Ataqatigiit  
Inatsisartunut ilaasortaq Eqaluk Høegh, Inuit Ataqatigiit

UKA2022-mi ulloq 4. oktober 2022 siullermeerinninnerup kingorna ataatsimiititaliap siunnersuut misissorpaa.

**Siunnersuutit imarisaat siunertaallu**

KNR aallakaatitassaliortarneq pillugu innuttaasunik soqutigisalinnillu attuumassutilinnik oqaloqateqartarneq qulakkeerniarlugu pisussaaffilinnik KNR-imi atuisunut siunnersuisooqatigiit taarserneqarnissaat anguniarlugu Radiokkut tv-kkullu aallakaatitsisarneq pillugu inatsisip allanngortinnissaa siunnersuummi matumani ujartorneqarpoq. Massakut atuisunut siunnersuisooqatigiisusut siunertaq naapertorlugu ingerlasimannnginnerat peqqutaalluni tamanna siunnersuutigineqarpoq.

Ilutigalugu inatsit allanngortinneqarpat, politikikkut upperisarsiornermilu ussassarutit tv-kkut aallakaatinneqarnissamut inerteqqutaalernerat inatsimmut ilanngullugit allaqqalissapput,

taamatut inerteqquteqarnissamut allaffissornikkut aalajangersakkat aalajangiunneqarnikuusut 2021-mi atorunnaarsinneqarnerat peqquataalluni.

### **Siunnersuutip Inatsisartuni siullermeerneqarnera**

Siunnersuut siullermeerinninnermi taperserneqarluarpoq.

### **Tusarniaanermut akissutit**

Siunnersuut piffissami 13. aprilimiit 11. maj 2022 tungaanut tusarniaassutigineqarsimasoq Naalakkersuisunit paasissutissiissutigineqarpoq.

Siunnersuutip tusarniutigineqarnernut atatillugu tusarniaanermut akissut amigaataasoq Naalakkersuisunit ulloq 6. oktober malinnaasillugu nassiunneqarsimasoq ataatsimiititaliamit maluginiarneqarpoq. Siunnersuutip siullermeerneqannginnerani iluarsiisummik suliaqartoqarsimavoq, tassungalu tusarniaanermut akissut malinnaasillugu nassiunneqartoq kakkiunneqarsimalluni.

### **Ataatsimiititaliap siunnersuummik suliarinninnera**

Siunnersuutip Inatsisartuni taperserneqarluarnera ataatsimiititaliamit maluginiarneqarpoq. Ataatsimiititaliaq isumaqarpoq KNR aallakaatitassaliortarneq pillugu innuttaasunik soqutigisalinnillu attuumassutilinnik oqaloqateqartarneq qulakkeerniarlugu pisussaaffilinnik KNR-imi atuisunut siunnersuisooqatigiit taarserneqarnissaat pillugu siunnersuutip takutiinnaraa, atuisunut siunnersuisooqatigiiusut siunertaq naapertorlugu ingerlasimannngitsut.

KNR tamanut sullissisuunini ilutigalugu aallakaatitassiornermik attuumassutilimmik tamatigoortumillu qulakkeerinnittuusumik pilersaarusiornermi innuttaasunik soqutigisalinnillu akuutitsisuussasoq nunatta assigiinngisitaartuunera qitiutillugu ataatsimiititaliamit. KNR nammineerluni aallakaatitassiaminnik pilersaarusiornissamut sinaakkutissanik pitsaanerpaanik, innuttaasut eqqarsaatiginerullugit, peqarnissaa kissaatigineqartoq ataatsimiititaliamittaaq maluginiarneqarpoq.

Tamanna tunngavigalugu innuttaasunik soqutigisalinnillu oqaloqateqartarnissamut pisussaaffik atuisunut siunnersuisooqatigiinnut taartissatut ajunngitsutut isigineqarpoq.

Ilanngullugu upperisarsiornikkut naalakkersuinikkullu isummat pilerisaarutigisarnerannut inerteqquteqartitsineq pillugu aalajangersaanissamik siunnersuut Radiumi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaata allannngortinnissaa pillugu Namminersorlutik Oqartussat nalunaarutaat nr. 37, 6. august 2021-meersumut tulluartutut ataatsimiititaliamit isigineqarpoq. Namminersornerullutik Oqartussat nalunaarutaani taamatut inerteqquteqarnissamut inatsisissatut tunngavissaq amigaatigineqartoq pillugu Ombudsmandip oqaaseqaataata

kingunerisaanik Radiumi tv-milu upperisarsiornikkut naalackersuinikkullu isummat pilerisaarutigisarnerrannut inerteqquteqartitsineq pillugu aalajangersakkamik Namminersorlutik Oqartussat nalunaarutaat atorunnaarsitsivoq.

### Siunnersuutip aningaasatigut kingunerisassai

Siunnersuut piviusunngortinneqarpat aningaasatigut kingunerisassai siunnersuummi nalinginnaasumik oqaaseqaataani nassuiarneqarput. Tassani ima allaqqavoq siunnersuut aningaasatigut allaffissornikkulluunniit pisortanut kinguneqarnavianngitsiq. Innuttaasut soqutigisalinnillu attuumassutilinnik oqaloqateqartarneq qulakkeerniarlugu suliaasat aningaasalersorneqarnerat KNR-imut ingerlatsinermut aningaasaliissutaasut aqqutigalugit aningaasalersorneqassapput.


### Ataatsimiititaliap inassuteqaatai

- Ataatsimiititaliap isumaqatigiittup siunnersuut akuersissutingineqarnissaa innersuuppat.


Taama oqaaseqarluni isumaliutissiissummilu allassimasunut paasinnilluni ataatsimiititaliap siunnersuut aappasaaniigassanngortippaa.



Nivi Olsen  
Siulittaasup tullia




Mala Høy Kuko



Doris Jakobsen Jensen  
Siulittaasoq



Eqaluk Høegh



Mariia Simonsen